

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Mizoram chanchina a vawi 1 nan, Aizawl chu India ram Rail Map-ah a chuang ve ta.
- 2. Chief Minister Pu Lalduhoman Bairabi – Sairang Rel kawng chu khawvel huap pawha thil harsa leh mithiamte thiamna leh thawhrimna rah a ni a ti a, Mizoram tan relkawng chauh nilovin, nunna hnar an siam a ni a ti.
- 3. Union Railway Minister Pu Ashwini Vaishnaw an Bairabi - Sairang rel kawng thar chuan Mizoramah hmasawnna nasa tak a thlen dawn a ti.
- 4. Prime Minister Narendra Modi an Manipur hmasawnna tur chuan remna leh muanna a pawimawh ber a ni a ti.



PM INAUGURATED RAILWAY

Mizoram chanchina a vawi 1 nan, rel in Mizoram a tlawhpawhna tur Bairabi-Sairang relkawng chu vawiin khan Prime Minister Pu Narendra Modi an a hawng a. Aizawl Lammual atanga hawn tura ruahman chu khua in a bumro avangin Lengpui atangin Video Conference kaltlangin a hawng ta zawk a ni.

SFX

Pu Modi–a chuan, Mizoram chu India ram hmasawnna atana kawng pawimawh tak a ni a ti a, vawiin atang chuan India railway map-ah Mizoram a chuang tawh dawn tih sawiin zalenna sualna kawngah a ni emaw ram siamna kawngah emaw Mizoram chuan a thawhhlawk hle a a, Lalnu Ropuiliani leh Pasaltha Khuangchera te hmathlir chu chu ramin a theihnghilh lo a ni a ti.

(Byte: Prime Minister)

Prime Minister chuan, Mizoram telin Hmarchhak bial state te chu political party ten vote bank ah chauh an hmang thin a, an tuar hle bawk a ti a, tunah chuan anni chuan hei hi her danglamin, tun hma lama hawisan thin te kha, ngaih pawimawh hmasakah an tang ta zawk a, nek sawr thin te kha, chawikan ani ta a ni a ti,

Kum 11 kalta chhung khan hmarchhak bial hmasawnna tur atan theihtawp an chhuah tih sawiin, tunah hian Mizoram chu India ram hmasawnna khawl ah a tang chho mek a ni a ti.

Hmarchhak biala state te chu Railway Map ah thailan an ni chho a, Mizoram pawhin Udaan Scheme a hmang tangkai thuai dawn a, state chhunga hmun kilkhawr te chu helicopter hmanga tlawhpawh tura siam a ni ang a ti a. India sorkar Act East Policy leh North East Economic Corridor ah Mizoram chuan hmun pawimawh tak a luah a, KMMTTP hnuaiah Bay of Bengal leh South East Asia kalkawng a ni dawn a, hemi avang hian sumdawnna leh tourism chu nasa taka kalpui a ni dawn a ni a ti bawk.

Sairang leh Baibari inkar rel kawng hi KM 51.38 a thui niin cheng vaibelchhe 8071 senga siam a ni a, Prime Minister hian Mizorama rel service thar pathum: Aizawl - Delhi Rajdhani Express (Anand Vihar Terminal), Aizawl - Kolkata Express leh Aizawl - Guwahati Express te a vailiam bawk.

Rel kawng bakah hian cheng vaibelchhe 33 senga sak Kawrthaha Residential School leh vaibelchhe 24 senga sak Tlangnuam Eklavya Model Residential School chu a hawng bawk a.

Cheng vaibelchhe 500 senna tur Aizawl Western Side Bypass Road; vaibelchhe 226 senga thawh tur Mualkhanga 30 Tounsand Metric Tons Per Annum Gas Bottling Plant; vaibelchhe 70 senga thawh tur Chhimtuipui (Tuipui Ferry) lei (Bridge); vaibelchhe 45 senga thawh tur Thenzawl - Sialsuk kawngpui; vaibelchhe 32 senga laih tur Khankawn - Rongura Hmun kawngpui leh vaibelchhe 12 senga thawh tur Tuikuala Khelo Multipurpose Hall te lungphum a phum bawk a ni.

<><><>

CM

Chief Minister Pu Lalduhoman Bairabi – Sairang Rel kawng chu khawvel huap pawha thil harsa leh mithiamte thiamna leh thawhrimna rah a ni a ti a, Mizoram tan relkawng chauh nilovin, nunna hnar an siam a ni a ti.

(BYTE)

Chief Minister chuan, vawiin hi Mizoram tan ni chhin chhiahtlak tak a ni tih sawiin Mizoramin rel kawng an nei tur chu Ramchhung inpawhtlanna atana Prime Minister hmathlir tih hlawhtlinna pawimawh tak a ni a ti.

Aizawl Lammuala thu a sawiah Chief Minister chuan, rel kawng hian Mizoram chu ramchhunga hmundang nen intlawhpawhna awlsam zawk a siamsak dawn a ti a, kum 2023 August thlaa rel kawng siam naa chetsualna thlenga nunna chan te an hre reng tih sawiin an hnathawhna avanga tun dinhmun thleng an ni a ti a, Mizoramin relkawng a nei tur chuan tun hma atanga Mizoram hmathlir a takin a rawn lantir a ti a, eizawnna kawngah leh thangthar lo awm zel tur ten an chhawr tangkai dawn tih a sawi bawk.

<><><>

UNION RAILWAY MINISTER

Union Railway Minister Pu Ashwini Vaishnaw an Bairabi - Sairang rel kawng thar chuan khualzin hipna leh hnathawh tur siamchhuah tiamin, kawng hrang hrangah Mizoramah hmasawna nasa tak a thlen dawn a ti.

He thu hi vawiina Aizawl Lammual-a Bairabi - Sairang Rel kawng thar a hawna hunah sawiin, Railways Minister Pu Ashwini Vaishnaw chuan he rel kawng hian Mizoram chu Guwahati, Kolkata leh Delhi bakah hmu dang tam tak a kalpawh dawn a ti a, he project hi a awlsam lo hle tih sawiin, leiverh 45 leh lei lian 55 zet a awm a, lei dawh sang ber phei chu Delhi-a Qutub Minar ai pawhin a sang zawk a ti a, rel kawng thar chuan khualzin hipna leh hnathawh tur siamchhuah tiamin, kawng hrang hrangah Mizoramah hmasawna nasa tak a thlen dawn tih a sawi.

Byte: Union Railway Minister Ashwini Vaishnaw

Khualzin tan awlsamna tam tak a thlen dawn a, bungraw phur, Cargo Service Train pawh Service tir nghal a ni dawn a, thlai tharte awlsam takin state pawnah a phur chhuak zung zung thei tawh dawn a. Hei hi Prime Minister Pu Narendra Modi kaihhruaiin hmarchhak bial tana a hmathlir (Act East) a tihhlawhtlinna a ni, a ti.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

RAILWAY REACTION

Sairang atanga rel tlan chhuak hmasa ber thlir tur hian Mizoram hmun hrang hrang atangin mi thahnem tak an kalkhawm a,

Kan corr sawi danin, Aizawl bakah Saitual Dist mi te thlengin Sairang rel chawlh hmun ah hian an kal a, an phur tawh hle tih an sawi a ni.

(Byte 1)
(Byte 2)

Prime Minister Narendra Modi-a'n Lengpui Airport atanga Sairang leh Bairabi inkar rel a vailiam rualin, Sairang rel chawlh hmun atanga rel tlan chhuak hmasa ber, Rajdhani Express chu Bairabi lam panin a tlan chhuak a ni.

Akashvani zawhna chhangin, Sairanga chengte pawhin an khua chu chawlh hmun pui ber a nih dawn avangin an tan a tangkai dawn hle a an hriat a thu an sawi a, fur laia kawngchhia vanga Mizoramin bungraw lakluh lama harsatna a tawh thin chu rel lo lut chuan engemawchenah a chinfel an rin thu te, thingtlang a chengte pawhin man man zawka thil man an lei theihna tur ni a an hriat thu te an sawi a ni.

(BYTE 3)

Rel chuan man a tlawm a tlawm avang leh mitin ban phak a nih avangin Mizo zirlaite'n awlsam zawkin ram chhung hmun dangah te zirna sang zawk an zir theih

phah dawn a an hriat thu midang te pawhin an sawi a, ram chhunga damdawilama inenkawlna tha tak te te pawh pan awlsam tawh dawn bakah ram chhung hmun danga chengte nen inunauna tha zawk a thlen an rin thu an sawi a ni.

<><><>

PM

Prime Minister Narendra Modia chuan Manipur hmasawnna tur chuan remna leh muanna chu a pawimawh ber a ni a ti.Vawiina Churachandpur atanga hmasawnna cheng vaibelchhe 7300 chuang hman lungphum a phumnaah he thu hi sawiin Pu Modia chuan Manipura pawl awm hrang hrangte chu remna kawng zawh turin a sawm a. An tu leh fate tana hmabak tha siam turin a ngen a ni. Pu Modia chuan tunhnaiah pawl hrang hrang aiawhten inbiakna an nei chu sarwkar a lawm hle tih a sawi a. Sawrkar laipui chu Manipur mipuite tan a awm reng dawn tih a sawi bawk a ni.

<><><>

GST

Prime Minister Narendra Modia'n kumin Independence Day lawmnah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah titlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST thar hian retail price a ti hniam dawna. Hei hian mipui nitin ei leh ina sum sen a ti tam dawn a. Helama sumdawng leh sum peipungtute tan hlawkna tam tak a pe ang. Nitin eichawp zuar Suresh chuan sawrkarin he GST thar hmang hian phurrit tam tak a chhawk dawn tih a sawi.

<><><>